

P R A E F A T I O.

complexa est [quos primi ordinis ob rationes in admonitis circa easdē dandas voco] titulorum inquam ad naturalem medicāmque Sanguinis Humanī historiam spectantium, qui eos, quibus melior nullus ductor adest, dirigere ac docere queunt, quas proponant quæstiones, & ad quæ potissimum capita eas referre debeant, in quas vel observatione, vel experimento inciderunt. Sed quia hæc pars meros tantum complectitur titulos [eius tamen Systema, utilissima fortè totius hujuscæ tractatus pars futura est] & quoniam otium mihi deerat, nec ea mihi suppeditabant quibus vel omnes, vel plerosque, titulos impletrem, convenientius facturum me existimavi gemino in argumento, sero scilicet Humanæ Sanguinis, quod naturalis, Spirituque qui factitia ejusdem pars est, quædam præbere specimina eorum quæ aliis in argumentis mihi proposueram, exemplaque nonnulla iis qui in conscribendis Historiis Naturalibus minus sunt versati, quam mihi per generalem scopum, cursumque studiorum esse licuit. Quæ autem de utroque hoc argumento dicuntur, tertiam, & quartam hujus tractatus partem constituunt. Quod ad alios titulos Historiarum Sanguinis spectat, satis habui, quod festinarem, eos, prout fortuitò occurrerabant proponere, interjectis identidem historicas internotas experimentis quibusdam, quæ prius ut specimina tantum quædam designaveram, de quibus lux aliqua oriri possit, quicumque demum eventus foret. Hæc propriarum rapsodia observationum, unam quatuor partium, ordinéque secundam constituit eorum ad quæ tibi hoc tempore offerenda tua me mandata impulerunt; critique cur latè plurimum, si tuis parendo imperiis, quibus summa semper animi voluptate patere soleo, quasi fracta ut aiunt, glacie, promovere queam Humanæ Sanguinis historiam, tam nobile, adeoque publicæ utilitatis opus. Qua super re, ne ipso porticus ædificio major evadat, duo tantum hæc præmonebo: Primo itaque, sequenti in tractatu non constitui agere de hoc argumento quatenus ut ita loquar, in fieri considerato, alioquin omnem Sanguinis mutationem, processumque omnem ab alimentis primùm in os immis- sis ad plenam eorumdem elaborationem, exponere necesse fuisset; quod perinde foret ac si ipsam sanguificationis historiam æquè ac Sanguinis conscribendam suscepisse: de hoc igitur liquore agere